



झजलपा वाःपौ

JWOJALAPA WEEKLY

दैं ७ ल्याः ३६ (पूर्णडक १३८) ने. सं. ११३७ चौलागा द्वादश आइतवाः २०७४ वैशाख १० गते आइतवार (Apr- 23, 2017)

मू ८- पृष्ठ ६

देय् दबूया नितिं नरेश ताम्राकार हाकनं नायः

सहमति त्वाःदल
चुनावी प्रक्रियाय
कथं न्हूगु नेतृत्व
ल्यल, स्वनिगलं
म्हो जक
नेतृत्वय् थ्यन



ज्वजलपा वाःपौ /

देय् न्यं कया १३ लाख नेवाःतय्गु राष्ट्रिय संगठन नेवाः देय् दबूया खुक्वःगु तःमुंज्यां नायः पदय् नरेश ताम्राकार त्याःगु दु । न्याक्वःगु तःमुंज्यां नं निर्वाचित जुयादीम्ह ताम्राकार खुक्वःगु तःमुंज्याय् निर्वाचनया माध्यमं त्याःगु खः ।

दाङय् वंगु शुक्रवाःनिसें जूगु देय् दबूया खुक्वःगु तःमुंज्याया भ्वल्य सहमति जुइ मफयेवं

शनिवाः चुनाव जूगु खः । चुनाव लिपा चान्हयनिसें हे मतगणना यायेगु ज्या जूगु खः । मत गणना कथं नायः पदया नितिं उम्मेदवार जुयादीम्ह नरेश ताम्राकार १९६ मत कयादीगु खःसा नायः पदया नितिं मेम्ह उम्मेदवार पवित्र बज्राचार्य १५० मत कयादीगु खः ।

न्हूगु नेतृत्व ल्ययेगु भ्वल्य न्हूगु विधान कथं न्हय्गु हे प्रदेशपाखें छम्ह छम्ह न्वकूया

व्यवस्था यानातःगु दु । न्हय्गु प्रदेश मध्ये ३ नम्बर प्रदेशया न्वकूया नितिं जक चुनाव जूगु खःसा मेगु फुक्क प्रदेशपाखेया न्वकूया नितिं सर्वसहमति जूगु खः । न्हूगु नेतृत्व कथं १ नम्बर प्रदेशया न्वकू कृष्ण उदास, २ नम्बरया न्वकू सविधान श्रेष्ठ, ४ नम्बरया न्वकू शंखरनारायण श्रेष्ठ, ५ नम्बरया न्वकू दिपक कुमार श्रेष्ठ, ६ नम्बरया न्वकू मिलन श्रेष्ठ व ७ नम्बरया न्वकू

टेककुमार श्रेष्ठ सर्वसहमति ल्यःगु खःसा ३ नम्बरया न्वकूया नितिं जूगु चुनाव चन्द्रलाल राजभण्डारी त्याःगु खः ।

अथे हे केन्द्रीय दुजलय् माइलाबाबु छःला, शान्ता श्रेष्ठ, सत्यनारायण डंगोल, अनिल मास्के, महेन्द्र लिगल, यशोधदेवी श्रेष्ठ, लक्ष्मी शाक्य, निर्मला श्रेष्ठ, सिता श्रेष्ठ, रश्मीला प्रजापति व सुन्दरी श्रेष्ठ प्रत्येक्ष चुनावय् त्याःगु खः । अथे हे

प्रदेशपाखेंया केन्द्रीय दुजलय् नं अक्वः याना प्रदेशय् सहमति जूगु खःसा ३ नम्बर प्रदेशपाखें हरि कुमार श्रेष्ठ त्याःगु दु ।

थुगु ल्याखं स्वल धाःसा नेवाः देय् दबूया केन्द्रीय नेतृत्वया नितिं खुल्लापाखे माइलाबाबु छःला, सत्यनारायण डंगोल व रश्मीला प्रजापति जक त्याःगु खने दु । न्हापा न्हापा जूगु देय् दबूया नेतृत्वय् स्वनिगःयापिं यक्व खने दयाचंगु खःसा आः स्वनिगःयापिं

म्हो तर स्वनिगलपिनेयापिं अक्वः खने दयावःगु दु ।

थुगुसी नेवाः देय् दबूया न्हूगु नेतृत्वया नितिं सर्वसहमति यायेगु धकाः कुतः याःगु जूसां अन्तत सहमति त्वाःदला निर्वाचनया प्रक्रियाय् वंगु खः । ता ई न्हयवनिसें देय् दबूया तःमुंज्यायात कया विवाद जुयाचंगु खःसा उकिं याना नेवाःतय्गु मुद्दा तकं कमजोर जुयाचन धकाः नेवाःतय्सं महसुस यानाचंगु खः ।

थ्व हे दथुइ गुगु कथं चुनावया माध्यमं जूसां देय् दबूया न्हूगु नेतृत्व ल्ययेगु ज्या जुल थुकिं याना देय् दबूपाखें यदि नेवाःतय्गु मुद्दा ज्वना वनेगु खःसा उकिया नितिं लँ चाःगु दु । आः नेवाः देय् दबूया न्हूगु नेतृत्व गुगु कथं नेवाःतय्गु मुद्दा व नेवाः अधिकारया खँ ज्वना वनीगु खः व धाःसा कन्हया दिनय् स्पष्ट जुजुं वइ ।

"Be Smart, Be Good"

Salient Features

- Grade teaching classes (play-way teaching learning approach) at pre-primary and primary levels.
- Well-equipped bi ology, chemistry and physics labs.
- Computer lab with internet facility.
- Homely and natural school environment.
- Homely and hygienic hostel facility.
- Regular & Special music, dance, art and sports activities and field trips.
- Separate playground and dinning hall for small kids.
- Audio-visual teaching and learning classes.
- Health care facility.
- Art and sculpture promotion program.
- Psycho-social counselling facilities.
- Multi-sport facilities and children park (future plan).



Admission Open Play Group to Class VIII

RARAHIL MEMORIAL SCHOOL

राराहिल मेमोरियल स्कूल

Kirtipur, Kathmandu, Nepal

Ph. no.: 014-330121, 4331248, 4331249

Email: rarahil@mail.com.np

Website: www.rarahil.edu.np

100% Successful Result with Remarkable Distinction since 2003



ज्वजलपा वा:पौ

सल्लाहकार

श्रीकृष्ण महर्जन

प्रकाशक:

नजरराम महर्जन

सम्पादक

श्रीकृष्ण तण्डुकार

ले-आउट:

ज्वजलपा डेस्कटप

संवाददाता

भरत महर्जन, निरजमान सिंह

थाकू

प्रिन्ट स्काई, यें

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweb@gmail.com

सम्पादकिय

सहमति कार्यान्वयन यायेमा:

प्रचण्डया नेतृत्वय् दुगु वर्तमान सरकार व आन्दोलनरत संघीय गठबन्धनया दथुइ शनिवा: बहनी तक जूगु वार्ताय् गुगु कथं सहमति जुल उकियात कार्यान्वयन यायेगु ज्या जुल धा:सा अवश्य नं मुलुकया नितिं लसताया खं जुइ । आन्दोलनरत संघीय गठबन्धनया माग कथं प्रदेश व सिमानाया सवालय् अधिकार सम्पन्न आयोग दयेका संघीय संसद पारित यायेगुनिसं भाषाया सवालय् सुचिकृत यायेगु तकया दथुइ गुगु कथं सहमति जूगु दु व धइगु असन्तुष्ट पक्षया माग कथं हे ख: ।

आदिवासी जनजाति, मधेसीनिसं उत्पीडित समुदायपाखें माग याना वयाच्वंगु कथंया माग सम्बोधन याना निर्वाचन यायेफत धा:सा अवश्य नं मुलुकया नितिं बांला:गु ज्या जुइ । उकिया नितिं आ: प्रचण्ड सरकारं गुगु कथं पला: ल्हवनी धइगु हे मूल विषय ख: । सहमति कथं कार्यान्वयनया नितिं सरकारं मन्त्री परिषद् निर्णय याना संसद् संविधान संशोधनया प्रस्ताव यकेगु अले पारित यायेगु ज्या ख: । संसद पारित यायेगु धइगु अ:पुगु विषय धा:सा पक्कां नं मखु । प्रमुख प्रतिपक्षया सहमति मदयेक आ:या अवस्थाय् दुई तिहाई दयेकेतगु नितिं सरकारयात अ:पुगु विषय धा:सा अवश्य नं मखु ।

थ्व इलय् सरकारं असन्तुष्ट पक्षया माग सम्बोधन यायेगु नितिं गुगु कथं संसद संशोधन विधयेक पारित याइ या मयाइ अले छु याइ धइगु न्हयस: ब्वलनाच्वंगु दु । उकिया हे आधारय् मुलुक गुगु कथं न्ह्या: वनी धइगु स्पष्ट जुइगु जया छगू कथं सरकारया परिक्षाया अवस्थाय् थ्यंगु दु धा:सां छु पाइमखु । प्रचण्डया नेतृत्वय् दुगु कांग्रेस व राप्रपा सहितया वर्तमान सरकारं आ: गुगु कथं न्ह्या: वनी धइगु विषय टुंगोजुगु जुया हे थ्व इलय् आ: सरकारं सहमति कार्यान्वयन याइ ला कि मयाइ धका: पियाच्वंगु दु ।

गजल शौरभ शाक्यया

गजल-२७

सुइतं नुग:चकंका छक स्व

कत:यात थ: खंका छक स्व ।

प्यन्हुया जिन्दगी म्वायेत भी

मतिनाया स्वां हंका छक स्व ।

चमेलि स्वांथें नस्वाइ जीवन

थ:त मय:गु फुकं तंका छक स्व ।

थाकू न्हाँ ! मय:नापं च्वना त्वनेगु

लैयसं बाक्चां पंका छक स्व ।

जिन्दगी छपु गजल जुइ उबले

स्यागु घा: छत्थू लंका छक स्व ।



धार्मिक व वैज्ञानिक विश्व दृष्टिकोण-३



—पूर्ण ताम्राकार

वैज्ञानिक विश्व दृष्टिकोण:-

इसा पूर्व द्वलं द्र: न्हय:या आदिकालिन मनूतय्सं बुज्या याये सयेकूसां निसं व्यक्तिगत सम्पति धयागु दया वल । शोषण व्यवस्था नं अनं निसं शुरु जुल । व्यक्तिगत सम्पति व शोषण व्यवस्थां याना: लिपा दास प्रथा शुरु जुल । दास प्रथा शुरु जुसां निसं दास व मालिक वर्गया दथुइ वर्ग संघर्ष (दास युद्ध) जुजुं वन । व हे भवलय् थौं स्वयां निद्र: दै न्हय: रोमया दासतय्सं स्पार्टाकसया नेतृत्वय् छगू विद्रोह यात उकिइ स्पार्टाकसं दास मालिकतय्गु शासनया विरुद्ध संघर्ष यायेत छगू विशाल सैनिक फौज दयेकल । तर उगु विद्रोह मुककं सफल मजू गुलिं दास मालिकतय्गु आम शोषणया अन्त नं याये मफु । थथे हे इलय् ब्वलय् दास युद्ध जुजुं वन । तर छुं ठोस सिद्धान्त, दर्शन व कार्यक्रममाय् म्हातिं याना: इमिसं या:गु संघर्षया छुं निष्कर्ष मदुवं हे क्वचाया वन । लिपा विश्वया राजनैतिक पद्धति सामन्ती व्यवस्थाय् हिलेवं दासत कृषक जुल धा:सा दास मालिकत जमिन्दार(भूमिपति) जुल । थुबलय् नं जमिन्दार वर्गया दथुइ वर्ग संघर्ष (किसान युद्ध) जुजुं वन । १७ औं व १८ औं शताब्दीया दथुइ तक नं विश्वय् सामन्त, धर्मगुरु, चर्च व पोपतय्गु हे अधिपत्य जुया च्वन । थ्व हे इलय् वैज्ञानिक, दार्शनिक व समाजवादीतय्सं न्हगु क्रान्तिकारी विचा: न्हयब्वल । गुकिं याना: मनूतय्गु अर्नवश्वासं ग्रस्तगु धार्मिक रूढिवादी चेतनाय् तसकं हिउपा: वल । कृषक व जमिन्दार वर्गया दथुइया वर्ग संघर्ष चर्कय् जुजुं वन । लिपा सन् १६४० स बेलायतय् व १७८८ स फ्रान्सय् महान क्रान्ति जुल । उगु क्रान्तिइ बेलायतया जुजु चार्ल्स व फ्रान्सया जुजु लुइ सोह्रों व वया परिवारयात जनतां ज्यान सजाय विल । थुकिं यूरोपय् सामन्ती वर्गया पराजितं पूँजीवाद व्यवस्थाया शुरुआत जुल । थुबलय् जर्मन दार्शनिक कान्ट (ई १७२४-१८०४) पृथ्वी व सौर्य मण्डल सार्वकालिक मजुसे भौतिक पदार्थया दीर्घकालिन विकासया परिणाम ख: धका: पृथ्वीया विकास सम्बन्धी रहस्योद्घाटन याना बिइ धुंकल । अथे हे फ्रान्सया कलड एच. सेन्टे साइमन (१७६०-१८२५), चार्ल्स एफ.एम. फ्युरिये (१७७२-१८३७), इग्ल्याण्डया रोबर्ट ओवेन (१७७१-१८५८) व क्यावेट

१७८८(१८५६) थें ज्या:पिं काल्पनिक समाजवादी विचारकत वेकन थें ज्या:मह नास्तिक व यान्त्रिक भौतिकवादी अंग्रेजी दार्शनिकत पिदने धुंकल । वेकनया यान्त्रिक भौतिकवादी दर्शनयात हे लिपा १८ औं शताब्दीया दिदेरो, होलबाख, हेल वितियस आदि फ्रान्सिसी व वयां लिपा बेलिनसिक, हर्जन, चेर्निशेव्स्की, दोब्रा ल्यूबोथ थें ज्या:पिं रुसी दार्शनिकतय्सं विकास याना यकल । अन लिपा जर्मनय् हेगेल (१७७०-१८३१) या द्वन्दात्मक दर्शनया विकास जुल । तर व दर्शन अध्यात्मवादी दर्शन जूगुलिं उकिया विरोधय् जर्मनया हे मेम्ह दार्शनिक ल्यूडविख फायरबाख (१८०४-१८७२) भौतिकवादी दर्शनय् अफ्न समा: याना विल । तर फायर बाखया भौतिकवादी दर्शन नं अध्यात्मवादं मुक्तगु दर्शन धा:सा अवश्य नं मखु । थुकथं छेखे अध्यात्मवादया विरोधय् भौतिकवादी, सामन्ती व पूँजीवादी व्यवस्थाया विरोधय् समाजवादी दर्शन च्वन्त्यात धा:सा मेखे 'थौया सजीव संसार अर्थात् मनुष्यया नापं वनस्पति, जीवजन्तु दक्ख लखौं, करोडौं दै न्हयवं निसं जुया वयाच्वंगु क्रमिक विकासया फल ख:' धका: जीवात्माया उत्पत्ति थें ज्या:गु गहन अन्वेषण जा:गु 'क्रम विकासया सिद्धान्त' नं यूरोपया तां दम्ह दार्शनिक चार्ल्स रबर्ट डार्विन (१८०९-८२) पिकाये धुंकल । थ्व फुक्कया क्रमिक विकासया लिच्व: कथं अन्तय् मार्क्स व ए.गेलसया "द्वन्दात्मक भौतिकवाद" या उदय जुल ।

द्वन्दात्मक भौतिकवादी दर्शन कथं मानव सृष्टि जुइ न्हय: हे पृथ्वी दु । अले पृथ्वी व मनुष्यया सृष्टि नं द्यवं या:गु मखुसे भौतिक पदार्थया कारण जूगु धका: धाइ । अथे हे विश्वय् प्रकृतिइ व मानव शरीरय् छुं परिवर्तन जुइगु नं भौतिक पदार्थया परिवर्तनं याना: जुइगु ख: धका: धाइ । गथे कि विश्वय् वा-फय् वइगु, भुखाय् वइगु नं भौतिक पदार्थय् जुइगु हिलासुलिं याना: ख: धका: धाइ । थुकथं वस्तुगत तथ्य, सत्यताया व वैज्ञानिक दसिं प्रमाणया ब: कया: विश्वय् जुया च्वंगु थी थी घटनाया व्याख्या याइगु जूगुलिं थ्व दर्शनयात हे वैज्ञानिक विश्व(दृष्टिकोण) धका: धाइ । ख: नं थ्व दर्शनया विज्ञान नाप ला व लुसि थें स्वापू दु । अय्सां भौतिक पदार्थया द्वन्दात्मक परिवर्तनय् आधारित दर्शन जूगुलिं थ्व दर्शनयात द्वन्दात्मक भौतिकवादी दर्शन धका: धाइ । मेमेगु दर्शनय् थें विश्वय् जुया च्वंगु प्राकृतिक घटना, मानव समाजया सृष्टि व विकासया बारेमा व्याख्या जक मखुसे विश्वय् गुकथं हिउपा: हये मा: धयागु खँ नं थ्व दर्शनं व्याख्या याइ ।

अध्यात्मवाद व द्वन्दात्मक भौतिकवादय् भिन्नता :-

१) अध्यात्मवाद पृथ्वी व सौर्यमण्डल सार्वकालिक ख: धका: धाइ । तर द्वन्दात्मक भौतिकवाद भौतिक पदार्थया दीर्घकालिन परिवर्तनं हे पृथ्वी व सौर्य

मण्डलया अस्तित्व दुगु धका: धाइ । अले प्रकृति व मानव बाहेक विश्वय् छुं नं सर्वशक्तिमान चिज मदु धका: धाइ ।

२) अध्यात्मवाद पृथ्वी व मनुष्यया सृष्टि हे द्यवं हे या:गु धका: धाइ । अले पृथ्वीइ वा-फय् वइगु, भुखाय् वइगु, न न्याइगु व महामारी त्वचं मनूत सिइगु नं मनूत खना: द्य: तं चया: जुइगु धका: काल्पनिक दैवी व अदृश्य शक्तिइ विश्वास याइ । तर द्वन्दात्मक भौतिकवाद पृथ्वीइ जुइगु छुं नं परिवर्तन भौतिक पदार्थय् जुइगु परिवर्तनं जुइगु धका: धाइ । थ्व दर्शन कथं मनुष्यया नापं विश्वया फुक्क जीव(जन्तु) व वनस्पति नं भौतिक पदार्थय् व:गु क्रमिक परिवर्तनं याना: हे सृष्टि जूगु ख: । थुकथं अध्यात्मवाद पृथ्वी व मनू हे द्यवं सृष्टि या:गु धका: धाइ सा द्वन्दात्मक भौतिकवाद धर्म व द्य: धयागु मनूतय्गु चिन्तन मननं सृष्टि जूगु धका: धाइ ।

३) अध्यात्मवादया मूलिधंसा धर्म व थी थी धर्मग्रन्थत ख:सा द्वन्दात्मक भौतिकवादया मूलिधंसा विज्ञान ख:, वस्तुगत तथ्य व सत्यता ख: । उकिं अध्यात्मवाद न्ह्याबलें धर्मया वकालत याना च्वनी थें द्वन्दात्मक भौतिकवाद न्ह्याबलें धर्मया विरोध याना: वैज्ञानिक आविष्कार, अन्वेषण व विज्ञानया समर्थन यानाच्वनी । अले अध्यात्मवाद भौतिकवाद व विज्ञान निगूयां विरोध याइ ।

४) अध्यात्मवादी दर्शन कथं प्रकृतिइ गुबलें नं हिलासु वइ मखु, न्ह्याबलें स्थिर जुया च्वनी धका: धाइ । प्रकृति आ: गथे खने दुगु ख:, न्हापा नं अथे हे ख: अले लिपा नं अथे हे तुं जुयाच्वनी । थुकथं विश्वया प्रकृति व छुं नं भौतिक वस्तुया ह्रास वा विनाश गुबलें नं जुइ मखु धयागु सिद्धान्तय् आधारित जूगुलिं अध्यात्मवादीतय् यथास्थितिवादया पुजारी धका: नं धाइ । तर द्वन्दात्मक भौतिकवाद विश्वया प्रकृति व भौतिक वस्तुया विनाश मजुसे मगा: धका: धाइ । छुं नं वस्तु गतिवान व परिवर्तनशील जुया हे च्वनी । व वस्तु विकसित जुजुं लिपा वना: ह्रास वा विनाश जुया वनी । पृथ्वी हे नं न्ह्याबलें परिवर्तन जुया च्वनी । उकिं अस्थिर वा विनाश मजुइगु वस्तु विश्वय् छुं नं मदु । पुलांगु वस्तुया विनाश व न्हगु वस्तुया विकास हे प्राकृतिक नियम ख: । उकिं संसार परिवर्तनशील ख:, संसारय् हिलासु व हिउपा: वयां तुं च्वनी धयागु दर्शन हे द्वन्दात्मक भौतिकवादया मूल दर्शन ख: ।

५) अध्यात्मवाद शोषक वर्ग याइगु शोषण, हत्या, दमनया विरोध मयायेगु व मुख्य भाग्य, कर्मय् विश्वास यायेगु, दक्ख ज्या द्य:या लीलां जुइगु धका: विश्वास याका: मनूतय्गु न्हयपुइ वथं गयेका:मनूतय्गु निश्चिन्त याना बिइ । तर द्वन्दात्मक भौतिकवाद मनूत चीमि व दुखी जुइगुया मूल कारण हे आर्थिक शोषण ख: धका: कनी । उकिं हे थ्व दर्शन शोषण व्यवस्थाया विरोध याना च्वनी ।

किपुली स्थानीय चुनावय् एमाले व माओवादी केन्द्र उम्मेदवार ल्यल

ज्वजलपा वा: पौ /

थ्वहे वङ्गु वैशाख ३१ गते जुङ्गु स्थानीय तहया चुनावया नितिं उम्मेदवार ल्ययत फुक्क पार्टी सहलह यानाच्वंगु दु। वंगु विहिवा: छगू भेला याना: एमाले किपू नगरपालिकाया मेयर, उपमेयर व वडाध्यक्ष उम्मेदवार सर्वसहमति जिल्लाय् सिफारिस छवःगु दु।

आ: उपि हे उम्मेदवार जुङ्गु पक्का जूगु दु। गुगु थये दु। १.मेयर पद :- रमेश महर्जन २.उपमेयर : सरस्वती खड्का १ नं.वडाध्यक्ष : लक्ष्मण महर्जन २.नं.वडाध्यक्ष : राजकमल महर्जन ३.नं.वडाध्यक्ष : राजेन्द्र महर्जन ४. नं.वडाध्यक्ष : वद्री अधिकारी ५. नं.वडाध्यक्ष : राजेश महर्जन ६.नं. वडाध्यक्ष : न्हुछे महर्जन ७. नं.वडाध्यक्ष : राजकुमार माली ८. नं.वडाध्यक्ष : सुशिल महर्जन ९. नं.वडाध्यक्ष : गंगाराम महर्जन १० नं. वडाध्यक्ष : अमन महर्जन यात

ल्यया: छवःगु दु। अथे हे माओवादी केन्द्र नं वंगु शुक्रवा: किपू नगरकमितिआ भेला च्वना थुगुकथं उम्मेदवार सिफारिस छवःगु जानकारी वःगु दु।

मेयर : उपमेयर वःमज्युनि वडा नं.१ : अस्टमान महर्जन वडानं. २ : नारायण महर्जन वडा नं.३ सिद्धिकुमार मानन्धर वडा नं.४ रामकुमार खड्का वडा नं.५ वैकुण्ठ महर्जन वडा नं ६ इन्द्रबहादुर महर्जन वडा नं.७ मचाभाई माली वडा नं.८ समिर महर्जन वडा नं.९ दिल बहादुर महर्जन वडा नं.१०. हिरा बहादुर महर्जन वंगु २०५४ सालया चुनावय् नेकपा एमाले मेयर, उपमेयर व १९ वडा मध्ये १० फिगु वडा त्याकूगु खः।

पुलांगु वडाध्यक्ष मध्ये ७ नं.वडाया उम्मेदवार राजकुमार माली छम्ह जक पुलांम्ह खः। मेपिं फुक्क न्हूपिं उम्मेदवार जूगु दु। तर २०७०

सालया संसदया चुनावय् किपू नगरपालिकाया १९ गू वडाया मत ल्याःखा: बलय् नेपाली कांग्रेस ८८१५ मत कया: न्हापांगु थासय् ला:गु खः।

अथे हे एमाओवादी ६४६५ मत कया: निगूगु थासय् ला:गु खः। नेकपा एमाले ५३७० मत कया: स्वंगूगु थासय् ला:गु खः। गुगु इलय् प्रचण्ड बुकेगु छगू अभियान हे चलय् जूगु खः

नेकपा माओवादी केन्द्रया खँलायगु खःसा २०७० सालं निगूगु थासय् ला:सां आ: व थाय् दइगु सम्भावना कम जक हे खने दु। उगु इलय् नयाँशक्ति पार्टी महुनि। बाबुराम भट्टराई व प्रचण्ड छगू हे थाय् लाना च्वंगु खः। आ: नयाँशक्ति पार्टी मत काइवलय् माओवादी केन्द्र न्हापाया थासय् मलाइगु खनेमदु। वडा नं. ९या दिलबहादुर व वडा नं.१० या हिराबहादुर निम्ह पुलांपि त्याकावःपि वडाध्यक्षत खः।

नगरपालिकां मेपिनिगु छँ धाल मालपोतं जग्गा सरकारया धका: घोषणा यात: पीडित



ज्वजलपा वा: पौ /

किपू नगरपालिका वडा नं. १ खसि बजारया जीवन महर्जन व वय्कःया जहान उमा महर्जन थःपिनिगु छँयात मेपिनिगु छँ धका: किपू नगरपालिकां धाल अले थःगु जग्गायात सरकारी जग्गा धका: मालपोत कार्यालयनं धाःगुलिं थःपिन्त तसकं अन्याय जुल धका: धयादीगु दु। उकिं थःपिन्त न्यायया नितिं किपूया सकल संचारकःमितय्सं ग्वाहालि यायेमाल धका: शनिवा: किपुलिङ्ग जूगु पत्रकार सम्मेलनय् पीडित परिवारं अथे धयादीगु खः।

कीर्तिपुर सन्देश वा:पौया ग्वसालय् जूगु उगु पत्रकार सम्मेलनय् जीवन महर्जन व उमा महर्जन थःपिनिगु माग कथं आ: थःपिनिगु जग्गाय् गथे खः अथे हे छँ दनाबिडमा: धका: धयादिल। किपू नगर पालिका वडा नं. १ या खसि बजारय् च्वंगु थःपिनिगु छँ थुनेगु जक मखु आ: वया जग्गा तक लँ धका: पहुँचवालातय्सं ढलान तक याये धुकल धका: धयादिल। पत्रकार सम्मेलनय् थीथी संचारमाध्यमय् दुपिं किपूया थ्यंमथ्यं छगू दर्जनसिवें अप्ठः पत्रकारत सहभागी जुयादीगु खः। थःपिनिगु छँ थुनेगुनिसं जग्गा तक सरकारी धका: यायेगु ज्याय् स्थानीय निकाय किपू नगरपालिका, प्रशासननिसं राजनीतिक दल व राज्यया थीथी निकाय तक लगेजुल धका: धयादिल। थःपिनिगु दुःखयात कया किपूया सकल जनतातय्सं ग्वाहालि कबिइत इनाप तक यानादिल।



हार्दिक निमन्त्रणा



यही २०७४ वैशाख १२ गते सोमवारका दिन श्रद्धेय लामा गुरु कुनक्योप रिन्पोछेज्यू निर्वाण हुनभएको १४ चौधौं वार्षिक पुण्यतिथीको स्मरणमा हुन गैरहेको पूजामा सम्पूर्ण धर्मावलम्बीहरुलाई हार्दिक निमन्त्रणा गर्दछु।

समय : विहान ७ बजेदेखि ४ बजेसम्म

स्थान : द्यःध्वाखा गुम्बा

प्रार्थी :

सचिव : रमेश मान डंगोल

द्यःध्वाखा गुम्बा, कीर्तिपुर-२



मांया ख्वा: स्वयेगु संस्कृतिया महत्व

श्रीकृष्ण महर्जन



A close-up photograph showing a person's hands. The left hand holds a small, clear glass bowl filled with a white, milky liquid. The right hand holds a bundle of dried, brown, root-like objects, possibly medicinal herbs, tied together. The person is wearing several gold-colored bangles on their right wrist. The background is dark and out of focus.

नेवाः तयस् संघर्षवादी सिद्धान्त
कथं खै सगं विद्गु थःगु हे कथया
मौलिक संस्कृति खः । थौया इलय्
नेवाः समाजय् त्यासे त्याय्म्हतयत् तकं
मांया ख्वाः स्वयेगु दिंया महत्वयात
थड्का वनेमाःग आवश्यता द ।

साहित्य उपन्यास -
जन्ति न्ह्यात

चमि- मदन गोपाल प्रधान “क्वाःघासा”

३ स्वव्व:- २

तर नवनित न्हापाथें चिधिकःम्ह मखय् धुंकूगुलिं छकलं वया ततायावारे खँ न्यनेवलय् वं शंका याइ धयाथें मतिइ तयाः श्रीं थःगु मन चिइगु कुतः यासां अनायास वया म्हुतुं पिज्वल, “धाथें पिजः छु याना च्वन ?”

पिजःया नां कायेवं नवनितया न्ह्यू ख्वाः छकलं हे ख्युंया वन । न नि मवासे सुंक च्वन । तःधिकः जुइ धुंकूपिनि न्ह्यःने ल्यासेपिं तता केहेंपिनिगु नां काल धायेव मनय् शंकां वारेकिगुलिं नवनितया ख्वाः ख्युंगु जुइमाः धयाथें मतिइ तयाः श्रीं थःथवन्तुं म्हाइपुकल । छु याये छु याये जुयाः खँ त्वःपुइ थें यानाः श्रीं मेखतं खँ छुत, “जागिर नल कि मनःनि धयागु का ?”

नवनितं छकः पुलुकक श्रीयात स्वयाः नःनि मवासे सुंक क्वतुं छुत । वयागु व पह खनाः श्रीया मनय् धौबजि वाल । थथे याये अथे याये मसिया श्री आतां च्वन ।

न्हापा पिजःनं श्रीयात नापला वइवःलय् वचाधिकःम्ह नवनितयात नं नापं व्वना हैगु । अमिसं वयात मचा भाःपा तया छुं हे विचाःमयासे वयागु न्ह्यने हे अमि मतिनाया खँ जुइगु । वं वयागु वं वयागु ल्हाः ज्वना सालिगु । प्यपुंक नापं फ्यतुइगु । थ्व फुकक नवनितं मखंगु मखु । अयजुगुलिं वया तताया नां कायेवं न्हापायागु खँ लुमकाः वं म्हाइपु तायेकल जुइमाः धयाथें श्री बिचाः यात । तर छु याये ? ल्हवयेनं मज्यू घुर्के नं मज्यूगु काचाक्क नयेलाःथें जुल श्रीयात ।

न्हाचःतले न्ह्याइपुसे च्वंगु व केवया वातावर ण भ्वखाचं ल्हाःगु छें थें भिजाँय् मिजाँय् दना वल । व केवया लू हे वुलुया वन । केवय् च्वंगु सिमा, स्वाँ, तरकारी अले तरकारी मातय्सं नापं इमित गिजे याना च्वंगु थें श्री तायेकल । पंगलः छुं हे मदुसां इपिं निम्हं ततमतः क्यना च्वन । श्री वातांसा नवनित आतां ।

अबले हे लाक्क तले बैगः भ्यालं सः थ्वःगु तायेदत । मनमायाया थ्वःगु सलं श्री व नवनित निम्हं होसय वःपिं थें जुल । निम्हेसिनं पाःलाक्क थ स्वत । थः मामं धाःगु खँ मथुयाः श्रीं धाल, “ छु धया दियागु ?”

“थहाँ वये मत्यनि ला धयागु का ।”

“त्यल । वये त्यल ।”

“थहाँ वये बलय् क्यातुगु तुसि छगः व कागति छगः नं ज्वना वा ।”

थुलि धयाः मनमाया दुसित । श्री व नवनित निम्हेसियां मिखा चूलात । निम्हं मुसुक्क न्हिल । मानो नकतिनि जक हे ध्वदुपिं थें च्वं । न्हिलाया काल बिल निम्हेसियां न्हाचःयागु म्हाइपुगु खँ त्वःमन थें च्वं ।

“ज्यना याये तेल थें । श्रीदाइ ज्यनां याःभासैं । जि नं वने ।”

वयागु खँ नवनितयात जूगु वा जुइगु शंका न्हंकेगु विचाः याना श्रीं धाल, “नवनित जिगु खँ छन्तुं छुं बांमलाः ला मतायेकू ? यदि छन्तुं अथे जूसा जिं छुं बांमलाःगु मतिइ तयाः धयागु मखु । छं मेखतं छुं मतिइ तये मते ।”

“छाय् छिं छु धयादीगु दुधकाः जिं बांमलाः तायेकेत ?”

“अथे खःसा जिं पिजःया नां कयावलय् ख्वाः ख्युक तयाः न नि हे मवासे छाय् च्वनागु ?”

नवनितयात मछिना वल । बाम्हे कात । मामं खुं लाम्ह मचां न्ह्यागुसां त्वहःतयाः छुं धाये थें व नं छुं धायेगु विचाः यात । तर मखुगु खँ ल्हानाः पलख याउँ तायेकेवं वास्तविकतायात त्वपुया तये फैगु मखु । अले वास्तविकता सिल धायेव भन थःयातहे बांमलाइगुलिं मचां मांहेसित भंगः लाये थें वं श्रीयात भंगः लायेगु विचाः मयायेगु हे बेस तायेकल । अयसां वं छुं धायेगु आँत याये फुगु मखु । वया म्हुतुं खँ छुइगु वयाके बर्कत हे मदु । अयजुगुलिं पाठ मवःम्ह मचा गुरुया न्ह्यनय् मन जक भःभःनकाः सुंक च्वनी थें व नं श्रीया न्ह्यनय् न नि मवासे सुंक दना च्वन ।

“जि पिजःयागु नां काये मज्यूला ?” नवनित सुंक च्वनाः च्वंगुलिं श्रीं न्यने यात । तर मिखां छकः पुलुकक जक स्वयाः नवनितं छुं नं मधाः । वरु ह्याउँक्क ख्वाः च्याकाः हल । वयागु व रुप खनाः श्रीया मनय् चिक्क मिन । तर थःप्रति नवनितं बांमलाःगु विचाः मयाकेगुलिइ दृधम्ह श्रीं हानं धाल, “जिगु न्ह्यसःया लिसः छाये मवियागु नवनित ? जि खनाः तंम्बःला ?”

श्रीया धिपिं नवनितयात वाथा वाथा कंकल । आछु आछु धायेकल । हीसे च्वंगु नुगलं फयां फये मफया वयागु म्हुतुं पिज्वल, “तताला ख्वइगु छिगु ख्वाः गये स्वयेगु धाः ।”

“छाय् ? छु खँ ?” हथासं श्रीं धाल ।

“फुक्क जर्बजस्तिं जूगु । पिजः तताया थःयसें मखु । जि छें दुहाँ वन कि छितः छु न्हासं ख्वाः केनेगु धकाः ह्वायँ ह्वायँ ख्वैगु । हीमी चाइगु । गबलें गबलें ला बना हे वनिगु । काचाकिचिं वाकुधी थिनां होसय् हये माः ।”

मिखाय् ख्ववि ललमल द्याकाः थुलि धयाः नवनित सुंक च्वन । थुलिं अप्वः वं छुं नं धाये मफत । वयागु व धापू नं श्रीया मनय् भ्वखाय् व्वयेका बिल । जबर्जस्ति याःम्ह मनूप्रति श्रीयात तसकं हे तं वल । मनं मनं बदला कायेगुविचाः याना श्रीं धाल, “सुनां जबर्जस्ति याःगु ?”

“बा नं ।”

“बा नं ! छु म्वाःमदुगु खँ ल्हानागु ?”

“पत्या मजूसा छिं हे मांयाके न्यना दिसँ ।”

थ्व खँ न्यनाः श्रीया न्ह्यपु इतःमित कन । आकाश व पाताः छस्वा जूगु खन । वया न्ह्यने प्रलय नं ताण्डव प्याखं हुयाः च्वन । आकाशय् सुर्घः, चन्द्रमा, नगुत आदि छुं हे खने दुगु मखु । न्ह्याबले सनिम्ह फयनं दिना च्वन । छचाः खेरं कहालि थें सःथ्वया च्वन । थय्क्क स्वयेवलय् ब्रम्हाया कल्प फुनाः न्हूगु श्रीष्टी जुइ त्यंगु थें श्री तायेकल ।

न्ह्यलय् ला ज्वलय् ला श्री छुं हे धाये फुगु मखु । अजुगति चायाः वाताँ च्वना च्वन । “मखुसा छिं हे मांयाके न्यना दिसँ,” “बा नं हे जबर्जस्ति याःगु” आदी खँत वया न्हाय्पनय् भुस्याःया सःथें न्हाय्पंया पिर्लि हे गुइ थें च्वंक थ्वयाच्वन । बिसम अवस्थां कयेकाः धे धे चुलाः च्वंम्ह श्रीयात लिधंसा वियेथें सुनानं थ्व खँ मखु धकाः धाःवःदःसा ज्यू धयाथें मतिइ तया च्वन, तितित्याउँचां आकाशय् भःभः ननं लःया आशा कायेथें ।

“अयसा आः पिजः छु याना च्वन?” मचायेक श्रीया म्हुतुं पिहाँ वल ।

“जिं मस्यू ।”

“छाय् ? छखा हे छें च्वनाः किजा तताया वारे छुं हे मस्यू ?”

“पिजः तता भीथाय् मखु ।”

“भीथाय् मखु ? गनले ?”

“वया छें ।”

“वया छें ? छु पिजः पयनं वंगुला ?”

“पयनं वंगु मखु, वियाः छः वःगु ।” कथंहं

हलिं नेवाः गुथि किपू कचां किपुली याःगु

“भिके-ल्ह्वने-न्हूधाः यायेनु”छयों तया चिनाखँ गोष्ठी व्वंगु चिनाखँ छसिंकथं

पिकया वनेगु तातुना थ्व चिनाखँ न्ह्यव्वयागु खः

३१.हाइकु

ज्ञानवहादुर नेवाः

म्वाःनःत्वाः, किपू
खःथें मखुथें
हिलाच्वन जीवन
वाः मचाः भीसं ।

ह्वःताः चूलाइ
जीवनय् अवस्यनं
वाः चाः वाः मचा ।

तःभुखाय् तन
तिव्वतय् वा वयेवं
नेपाःलय् चलः ।

छेर्के तयेगु
नेपाःया राजनीति
च्वःकाः नेतात ।

मुक्त क्षेत्र हं
त्वाःत्वालय् फोहर दूँ
न.पा.या नीति ।

कःमिं नां जाः भी
देय् न्यंक कलाकृति
विश्वया मिखाय् ।

देय् न्यंक त्रास
खुसिबालं चुइकाः
नेतात मौन ।

तःभुखाय् व्वल

वन देय् न्यंक चलः
देय् भयावह ।
नेवाः नेतात
अधिकार मर्दुपिं
सत्ताय् मन्थर्यपिं ।

जात्राया भवलय्
छु द्रःखः तर्क मस्यू
भीगु संस्कृति ।

म्हगस म्हनी
भ्रसंग न्ह्यलं चाइ
थः खाना क्वसं ।

मोहनी वल
सकलें लिमलाः स्व
नखः हनेत ।

नुगलय् ला हि हे दु
थें मच्चं



कवि राम महर्जन

नगां, किपू-९

भीगु नेपा दे देवभूमि जुया न
दे चलेयाना च्वैपिके
मनुया गुण मदया जुई
भीगु दे विश्वया न्ह्योने गरिव

स्वार्थी भय् भय् विउ
इमिगु बेज्जत बय् बय् जु
मन भतिचा हे सफा मजुसाँ
इपिं हे थन जय जय जु

धुर्मुस सुन्तलीया इच्छा शक्तिं
भुखाचाँ छें दुना विचल्ली जुपिंतः
छें दयका बिल धनजन जुतेयाना
सफा मनया ज्या सफल जुल

मुसहर जातीया गरिवपिंतः
आधुनिक वस्ति दयका बिल
मुसहर तय्सँ सपना मखँगु
स्वयबले चितिकक च्वँगु छें दयका बिल

उली जक गन खः धका
नसा त्वँसा व शिप शिक्षाया ज्ञान विया
जिवन अपुक हनीगु संस्कार विया
विश्व किर्तिमान ज्या याना क्यन

नेपा दे या सरकार धार्पी
मन सफा जुगु खः सा
पिडित जनतात उद्धार याय् फुगु खः
तर नुगले ला ही हे दु थें मच्चं छुयाय् ?

टिम चौराहा धनगढी प्रिमियर लिग च्याम्पियन



धनगढी जुवाचंगु धनगढी प्रिमियर लिगया फाइनल बिराटनगर किङ्सयात ६२ रन बुका पारस खड्काया टिम चौराहानं धनगढी प्रिमियर लिग क्रिकेटया उपाधि त्याकू दु । घरेलु टोली टिम चौराहानं ब्यूगु १६० रनया लक्ष्य बिराटनगर किङ्स १८.१ ओभर य फुक्क विकेट गुमय याना मात्र ९७ रन दयेके फत । बिराटनगरया नितिं प्रनित थापा मगर व अमित श्रेष्ठ २६ रनया योगदान यातसा मेपि सुनानं उलि रन दयेके

मफुत । कप्तान शरद २ रनय आउट जुल । टिम चौराहाया सुशन भारी ३ विकेट काल, आरिफ शेख व शौरभ खनाल २-२ विकेट काल । राम नरेश गिरी व अलित राजवंशीया नामय छगू छगू विकेट लात । सेती अञ्चल प्रहरी कार्यालयया मैदानय टस त्याका ब्याटिड या:गु टिम चौराहानं २० ओभरय ५ विकेट खर्च याना १५९ रन दयेकेत ता:लात । आरिफ शेख चौथो विकेटया नितिं पारस नाप जानां ४४ र

नको साभेदारी यात । पारस २९ रनय आउट जुल, गुगु इलय टिम चौराहाया स्कोर ८१ रन थ्यंगु ख: उगु इलय मात्र ५ ओभर एक बल ल्यंदनिगु ख: । तर, आरिफ व अमर रौतेलां उत्कृष्ट ब्याटिड याना पाचौ विकेटउन नितिं २४ बलय ६३ रनया साभेदारी यात । आरिफ ३० बलय ४ चौका व ४ छक्कासहित ५४ रन दयकल । अमर ३१ रनय अविजित जुलसा शौरभ खनाल नटआउट १४ रन दयेकूगु ख: ।

चलचित्र संघय पदभार हस्तान्तरण

- विजयरत्न /

नेपा:या सकिपा ख्य:या छगू पुलांगु संस्था कथं धस्वानाचंगु नेपाल चलचित्र संघया ४४ व:गु साधारण सभां निर्वाचित जुवाव:म्ह न्हूम्ह नाय: प्रदीपकुमार उदय व न्हूगु ज्यासना पुच:या दुज:पिन्त विहिवा: संघया ज्याकुथिइ जूगु छगू ज्याभव:या दथुइ सपथ ग्रहण व पदभार हस्तान्तरण या:गु दु । संघया नाय: नकिम उद्दिन न्हूम्ह निर्वाचित नाय: प्रदीपकुमार उदययात सपथ ग्रहण याकूगु ख:सा न्हूम्ह नाय: उदय थ:गु ज्यासना पुच:या नितिं निर्वाचित जुवाव:पिं दुज:पिन्त सपथ ग्रहण याकादीगु ख: । संघया विधान कथं अधिवेशनं छम्ह नाय: ल्यइसा मेपिन्त दुज: कथं जक ल्यइ, अले लिपा तिनि पदभार इनिगु ख: ।

थौया ज्याभवलय संघया नाय: नकिम उद्दिन लसकुस यानादीगु ख:सा चलचित्र पत्रकार संघया नाय: सन्दिप सापकोटा, नेपाल चलचित्र कलाकार संघया नाय: रामकेशर वोगटी, चलचित्र निर्माता संघया नाय: आकाश अधिकारी, द्वन्द्व कलाकार संघया नाय: सूर्य थोकर, चलचित्र प्राविधिक संघया नाय: पुष्कर लामा, चलचित्र निर्देशक समाजया नाय: मयजु सुचित्रा श्रेष्ठ व संघया निर्वाचन समितिया संयोजक शान्तिप्रिय लिसेलिसे संघया पुलांम्ह नाय: राजकुमार पोखरेलपिन्स थ:थ:गु नुग:खं तयादीगु ख: ।

नेपाल चलचित्र संघया न्हू पदाधिकारीपिं :

छम्ह न्वकू - वीरेन्द्र नारायण श्रेष्ठ ल्यू न्वकू (निम्ह) - मधुसुदन प्रधान, नरेन्द्र महर्जन दांभरी - गोपालकाजी कायस्थ मूछ्याञ्जे - अर्जुन श्रेष्ठ नेपाल चलचित्र संघया न्हूम्ह निर्वाचित ज्यासना पुच:या नितिं थुलि पदय कार्यभार व:छयूगु दु । आ: मेगु बैठक वितरण व प्रदर्शन समितिया कजि व दुज:या नापनाप मेमेगु समितिया कजि व दुज: व:छीगु खं संघ सुत्रं जानकारी ब्यूगु दु ।



ADMISSION OPEN !!!

Bagh Bhairab Boarding High School

proudly announces admission open for Play Group (PG) to Grade VIII

For more details, please contact;



BAGH BHAIRAB BOARDING HIGH SCHOOL
Panga-dobato, Nayabazar, Kirtipur 17
Tel. 014330141, Mo. 9841292969
Email: baghbhairabbhs@gmail.com

भर्ना खुल्यो ! भर्ना खुल्यो !!

बाल विकास शिक्षामा लामो समय देखि सेवारत समूहद्वारा सञ्चालित **PRAYAS PRE-SCHOOL & TRAINING CENTER** मा नयाँ भर्ना खुल्यो !!!

हाम्रो विशेषताहरू

- पूर्ण तालिम प्राप्त प्रशिक्षकहरू भएको ।
- लामो समय देखि बाल विकास शिक्षामा कार्यरत प्रशिक्षकहरू भएको ।
- खुल्ला र रमणिय वातावरण भएको ।
- यातायातको व्यवस्था भएको ।
- स्वस्थ र पोषणयुक्त खानाको व्यवस्था भएको ।
- नियमित स्वास्थ्य परिक्षण गरिने ।
- अधिक शैक्षिक सामग्रीहरूले सजिएको कक्षा कोठाहरू भएको ।
- अंग्रेजी र नेपाली भाषाको दुई प्रशिक्षकहरूको व्यवस्था भएको ।
- पर्याप्त खेल सामग्री र खेल मैदान भएको ।
- डे केयरको समेत व्यवस्था भएको ।
- भुक्तम्प प्रतिरोधी भवन भएको ।
- श्रव्य दृष्यको माध्यमबाट अध्यापन गराइने ।
- शिक्षक तालिमको व्यवस्था भएको ।



प्रयास प्रि-स्कूल तथा तालिम केन्द्र
भाजङ्गल चौतारी नजिकै, की.न.पा-१८, भाजङ्गल
सम्पर्क: ९८४१४७९५३७, ९८०८७५४२९
Facebook: Prayash Montessori
E-mail: prayash2073@gmail.com